



**Winterheil (Sommerheil)|| Der Kleinen Catho-||lischen
Postill/ Jacobi || Feuchthij/ Weyhbischoffs|| zu Bamberg/
der H.|| Schrift D.||**

Darin[n]en kürztlich vn[d] Catholisch/|| alle Sontägliche Fest vn[d]
Feyrtägliche|| Euangelien ...

Feucht, Jakob

Cöln, M.D.XCV.

VD16 F 850

Dem günstigen Leser wünschet Jacob Feucht/ wolfart von Gott zu Leib vnd
Seel/ bestandthafftigkeit bey dem allein seligmachenden Catholischen
Glauben/ vnd nach diesem zeitlichen das Ewig Leben.

[urn:nbn:de:hbz:466:1-61414](https://nbn-resolving.org/urn:nbn:de:hbz:466:1-61414)

Dem günstigen Leser wünschet Jacob Feucht/ wolffart von GOTT zu Leib vnd Seel/ bestandthafftigkeit bey dem allein seligmachenden Catholischen Glauben/ vnd nach diesem zeitlichen das Ewig Leben.

Dies ist/ Günstiger guthetiger Catholischer Leser/ der ander auch letzte Theil des Sommertheils vnser kleinen Postill/ darinnen alle Fest vnd Feyertägliche Euangelien/ vom ersten tag des Meyen/ oder vom Feyertag ander zweyen H. Aposteln Philippi vnd Jacobi/ bis auff den Aduent oder Feyertag des H. Apostels Andree/ Catholisch/ auch auff das aller leichtest vnd kürhest außgelegt werden/ vnd nit allein den gemeinen Pfarherrn vnd Jungen angehenden Predigern zu gutem/ sonder auch den Christliebenden Haußvätern vnd Haußmüttern zu lieb/ vnd endlich allen denjenigen/ so GOTT/ die warheit/ vnd das Ewig Leben lieb haben/ vnd selbst lesen könden/ oder andere gern lesen hören/ zu nutz in öffentlichen Druck verfertigt.

Weil dann nun etliche Heiligen GOTT

A 2 TES/

Vorrede.

TES/in disen Bistumben als die fürnemste Patronen/ feyerlich/ in andern aber nit/ sonder andere feyerlich gehalten werden/ habe ich / der fürnemsten Stifften oder Bistumben im Teutschland / Patronen/ kürzlich anziehen/ auch wo sie feyerlich/ vnd was an derselbigen Feyertagen für Euangelien vnd Predigen auß diser kleinen Postill gebraucht werden mögen/ (wie dann im andern Theil des Wintertheils auch beschehen) kürzlich vermeldē wollen. Ich hab auch zu allen vnd jeden Predigen/ wo vnd wie möglich/ aller vnd jeder Heiligen/ kürzlichen Inhalt ihres Lebens vnd Todes verzeichnen wollen/ Darumb auff das kürzest/ weil vnser fürnemen war/ nit ein Legend/ Chorbuch/ Kirchenkalender vnd Martyrologium/ sonder ein Postill zu machen. Darumb auch/ weil solchs vn- nötig/ in ansehung/ daß derselbigē Bücher Teutsch vnd Lateinisch/ klein vnd groß/ (GOTT lob) in zimlicher anzal vorhanden seynd/ vnd fürnemlich das gewaltig vnd herrliche Werck des Ehrwürdigen Hochgelehrten Herren Laurentij Surij/ so zu Cöln Lateinisch/ sekund aber auß verlegung des Durchleuchtigen/ Hochgebornē Fürsten/ Catholischen Potentaten vñ Herrn/ Herrn Albrechten/ Pfalzgrauen bey Rhein/

Vorrede.

Rhein/Herkogen in Ober vñ Nider Bayern
ern. in der Fürstlichen Stadt München
Teutsch gedruckt werden.

Auff das mir auch nit von jemand mög
ge fürgeworffen werden: Ich habe einem
jeden Heiligen nach meinem Kopff vnd
gutbeduncken ein Legendam oder kürzes
sten Inhalt seines lebens vnd sterbens an
gemasset/ binn ich gemeinglich/wañ vnd
wie möglich / bey dem Martyrologio
oder Kirchenkalender / so im 73 Jar zu
Dillingen Teutsch gedruckt worden/ gern
gebliben/ vnd mehrmahl solche hieher von
wort zu wort gesetzt/ wie dann auch im an
dern Theil des Wintertheils diser kleinen
Postill/ zu sehen ist.

Do dan ein junger noch nit geübter an
gehender Prediger / in disem oder jenem
Bistumb/ von disem oder jenem Heiligen/
so in diser kleinen Postill kein ganze Pre
dig hat/ sond' anderstwohin gewisen wirdt/
predigen wolt/ der wirdt das Legend in der
jenigē Predig/ dahin er gewisen/ leichtlich
auflassen / vnd hergegen dises Heiligen
Legend/ Leben vnd sterben/ von welchem er
predigen wil/ füglich eynführen vñ bequem
accommodiren können.

Ich hab auch/ auß vrsachen/ in diser klei
nen Postill/ so vil möglich auch füglich ae

Vorrede.

schehen hat können/in allen vnd jeden Predigen bey dem Text der Euangelien bleiben/vnd gemeinglich jede Predigen nit vil vnder noch ober drey vierte theil einer stund machen wollen. GOTT dem Vater vnser Herr IESV Christi/ ihme vñ dem H. Geist/ sey Ewigs lob vnd danck gesagt/ vmb seine Gnad vnd Göttlichen Segen/das ich dise kleine Postill/den jungen angehenden Predigern vnd andern einfeltigen Christen zu lieb vnd gutem glücklich vollenden hab mögen. Allen denjenigen so solche werden hören predigen/oder selbst lesen/wölle er auch verstand/das wollen verleihen/das sie hierauf nit allein zur besserung ihres Lebens/sonder auch zur erkantnuß vñ sterckung des wahren/Christlichen/Catholischen Glaubens kommen/dabey verharren/vnd also selig werden mögen/Amen.

Hiemit bezeuge ich vor GOTT/vnd der ganzen Christlichen Catholischē Kirchen/so wahr ich ein Christ vnd ein Catholischer Priester binn/vnd so wahr ich nach disem zeitlichen Leben begere das Ewig zu erlangē/das mein fürnemen/meinung noch will nit ist/weder in diser kleinen Postill/noch in anderen meinen vor diser zeit außgangnen Schrifften/vil weniger

Vorrede.

niger in künfftiger grosser Postill/ einige
Lehr eynzufürē/ so entweder wider die gu-
ten Sitten/ wider ein ehrlichs/ erbarlichs/
Gottsförchtigs/ Christlichs Leben/ oder
wider den warhafftigen Christlichen/ Ca-
tholischen/ Apostolischen/ alleinseligma-
chenden Glauben/ streitten solt. Vnd do
es sach were (wie mir doch nit bewust/
sich aber leichtlich begeben möchte) daß
einigs Wort/ auß vnwissenheit/ auß vns-
fleiß vnd vnbedachtlich/ wider das Christ-
lich Leben vñ Catholischen Glauben/ von
mir jemaln were gelehrt oder geschriben
worden/ nach forthin solte gelehrt oder ge-
schriben werden/ wil ich hiemit mein selbst
eigner Richter seyn/ vnd solchs alles vor
GOTT vnd der ganken Welt/ als vn-
tüchtig genennt vnd erkennet haben. Vnd
eben diser vrsach/ pflege ich/ nach dem
brauch aller Catholischen Scribenten/
vnd nach dem löblichen Exempel des H.
August. Tom. 2. Epist. 107. Et Tom. 7.
contra duas Epistolas Pelagianorum
ad Bonifaciū Rom. Pontif. lib. 1. cap. 1.
alle meine Schrifften/ dem ordenlichen
Nachkömmling Petri des H. Apostels zu
Examinirē vnderwerffen/ mit disen wor-
ten: Saluo in omnibus S. Sedis Aposto-
lica iudicio. Vnd do es sach were/ (wie

Vorrede.

gemeldet) daß einiger irrthumb in meinen
Schriften erfunden würde/wolte ich/wes
der von Päpst. Heil. noch von einem an
deren Catholischen Christen/als verdächtig
im geringsten den Catholischen Glau
ben betreffend/vil weniger als ein Keker/
sonder als einer der vnbedächtlich geirret/
gehalten werden.

Was dann nun/Günstiger Leser/mein
grosse vorhabende Postill belangen thut/
kan vnd will ich dir nit bergen/daß ich ei
nen guten theil/ehe vnderwindung diser
kleinen Postill/gemacht/also/daß sichs
nit lang mehr solte verweilet haben/bis
zur endtlichen verfertigung derselbigen.
Dieweil ich aber jede Predigē/je auff vier/
je auff fünff/zuletzt auff sechs/bisweilen
auch auff mehr bogen/vñ also gar zu lang
gemacht/also/daß sie (meines crachtens)
diser zeit/nit allein den gemeinen Pfar
herrn vnd jungen angehenden Predigern/
zu gebrauchen vnbequem/sonder auch den
Hausvätern vnd menigklich zu lesen ver
driesslich/bin ich endlich entschlossen/alle
vnd jede Predigen zu endern/vnd auff jede
Sontag/Fest vnd Feyertag/durch das
ganse Jar/nit nur ein (wie in der Vorre
de zum günstigen Leser des Wintertheils
versprochen) sonder/zwo Predigen ma
chen/

Vorrede.

chen/ vnd dieselbigen in zimlicher vnd ge-
bürlicher leng/ sampt Neun Passionpre-
digen/ also/ daß sich gemelte Postill noch
ein mehrere zeit/ als ich verhofft/ verwei-
len wirdt: Will doch mit hilff GOTTES
möglichsten vleiß/ mühe vnd arbeit gern
fürwenden/ daß sie auff das baldest vollens-
det werde/ (wo nit die gäse Postill zu mal/
doch der erste Tomus/ nämlich zwo Pre-
digen vber jede Sontägliche Euangelien
durch das ganze Jar sampt Neun Passi-
onpredigen/ darinnen/ ob GOTT will/
allwegen in der ersten Predig die Euange-
lie weitteuffiger/ auch auff ein andere weis-
se/ dann in diser kleinen Postill/ außgelegt/
in der andern aber die meisten Materien
vnd Artickel vnsern Glauben vnd Leben
betreffend/ erörtert sollen werden.

GOTT der vns erschaffen/ erlöset vnd
geheiliget hat/ wölle mir hierzu seinen
Göttlichen Segen/ Gesundheit/ Ver-
stand/ vermögen vnd das wollen/ verleis-
hen/ daß ich solchs Werck ihme zu Lob vnd
Ehrr/ menigklich zu gutem/ nutz vnd
wolgefallen/ auff das schierest
vollenden möge/
Amen.

a 5 Vero